



# Sámi allaskuvla

Sámi University of Applied Sciences

OAHPPROGRÁMMAPLÁNA

DUODJE- JA HÁBMENBACHELOR

180 oahppočuoggá

Dohkkehuvvon Dutkan- ja oahppostivrras čoahkkimis 13.12.16, áššis 96/16.

## 1. Prográmma namma ja grádanamahus

Sámegillii: Duodje- ja hábmenbachelor

Dárogillii: Bachelor i duodji- og design

Engelasgillii: Bachelor of Duodji and design (Sámi Traditional and Applied Arts)

Oahppokodá: DUOBA

## 2. Oahppoprográmma viidodat

Bachelorgráda viidodat lea 180 oahppočuoggá (oč) golmma jagi oahppu.

## 3. Sisabeassangáibádusat

Vuodđooahpuid oppalaš sisaváldingáibádusat Sámi allaskuvlla leat oppalaš lohkangelbbolašvuohta dahje reálagelbbolašvuohta ja sámegiella (jf. Forskrift om opptak til høyere utdanning).

Sámegiela gáibádusa sáhtá deavdit čuovvovaš vugiid mielde: Norgga joatkaskuvllas sámegiella 1. dahje 2. giellan 2, Suoma logahagas eatnigielladutkkus dahje guhkes amasgielladutkkus ja Ruota gymnásas eatnigiellan (*modersmål* 200 čuoggá) dahje ođđaáigásaš giellan (*moderna språk* 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

Lassin galget ohccit sáddet sisa 8-10 gova dujiin ja daid detáljjain.

## 4. Oahpahusgiella

Oahpahangiella lea dábálaččat davvisámegiella, muhto ovttaskas fáttáin sáhtá oahpahus leat eará sámegielaide, dahje eará gielaide. Eará sámegielat studeanttaide láchčo dilli nu ahte sii sáhttet čállit bargguid iežaset sámegillii.

## 5. Oahppanjoksoset

### Máhttu ja diehtu

Kandidáhtta

- lea háhkan vuđolaš dieđuid ja máhtuid duodjefága guovddášfáttáid, čuolmmaid, proseassaid, ávdnasiid ja bargovugiid birra
- diehtá duoji árbevieruid ja iešvuodaid
- dovdá dutkan- ja ovdánahttinbargguid
- leat vuđolaš dieđut duodjehámiin ja dujiin iešguđet guovllus Sámis
- diehtá mo gaskkustit duoji ja iežas duodjemuitalusa sámi, eará eamiálbmot – ja stuorát servodahkii
- máhtá čilget fágalaš välljemiid
- dovdá eará eamiálbmogiid duoji ja hábmemma árbevieruid
- ádde entreprenevravuodá ja bastevašvuodá iežas duddjonválljemiin

## **Gálgat**

### Kandidáhtta

- máhtta plánet ja čađahit iešguđetlágan bargguid ja prošavttaid áiggi dáfus, okto , joavkkus ja ehtalaččat
- máhtta ohcat, árvvoštallat ja čujuhit dieđuide ja gálduide fágalaš čuolmmaid čoavddedettiin
- máhtta hálddašit relevánta fágalaš reaiduid, ávdnasiid, teknikaid ja duddjon- ja hábmenvugiid
- máhtta čađahit ja dokumenteret bargoproseassa álgoideas gitta loahppabohtosii

## **Oppalaš gelbbolašvuohta**

### Kandidáhtta

- máhtta geavahit iešguđetlágan hutkás lahkonaanvugiid dujiid ovdánahtedettiin
- máhtta juogadit ideaid ja vásáhusaid earáiguin iežas fágasuorggis
- máhtta geavahit digitála veahkkeneavvuid duddjomis ja gaskkusteamis
- máhtta kritihkalaččat reflekeret iežas ja earáid duddjonpraksisa, ja bidjat dan viidát servodatlaš oktavuhtii ja čatnat oktii relevánta teorijaiiguin
- máhtta jurddašit bistevaččat fágasuorggis
- máhtta gaskkustit njálmmálaččat ja čálalaččat duddjon- ja hábmenfágalaš čuolmmaid iešguđetlágan birrašiin
- dovdá áigeguovdilis duddjon- ja hábmenfágalaš ovdánahttinbargguid ja atnit daid ávkin iežas duddjončovdosiin

## **6. Oahpu oppalaš sisdoallu**

Bacheloroahppu lea golmma jagi vuodđooahppu. Bachelorprográmmas lea vuolggasadji duddjon,- ja hábmenvugiin, estehtalaš vásáhusain ja teorehtalaš reflekšuvnnain. Studeanta ahtanuššá oahpus go beassá hárjehallat ja reflekeret iežas bargguid ja teorijaid vuodul. Bachelorprográmma deattuha duodjefágalaš čuolmmaid ja čovdosiid mat dorjot ekologalaš, kultuvrralaš, sosiálalaš ja ekonomalaš bistevasvuoda.

Oahppu deattuha duodje- ja hábmenproseassaid main studeantta dovddiida duodjái, ja mas beassá ovdánahttit iežas duodjebuktaga ja ámmátlaš hálddašeami. Duddjon, reflekšuvdna, vásáhusat, duodje- ja dáiddalaš čehppodat ja buktagat deattuhuvvojit, ja teorehtalaš ákkastallamat ja jurddašeami galget doarjut duddjon- ja hábmen bargguid. Oahppu addá vuodđodieđuid sámi ja eará álgoálbmogiid duodje- ja dáiddadieđus. Oahppu addá studeanttaide hárjáneami geavahit sámegiela go galget buktit ovdan iežaset vásáhusaid duddjomis, ja go galget dieđalaččat ákkastallat bargguid.

## **7. Prográmmahuksehus**

Bachelorprográmma bistá golmma jagi ja lea 180 oahppočuoggá, mii sisttisdoallá 30 oč oktasaš vuodđooahpuid, 60 oč duoji fágaoahpuid, 20 oč fágalaš čiekŋudanoahpuid, ja 60 oč doarjjafágaid mas okta fágaviidodat galgá leat 30 oč. maid studeanta ieš vállje ja maid allaskuvla dohkkeha prográmma oassin.

Oahppu berre čađahuvvot čuovvovaš progresašuvnnain:

1. lohkanbadji	2. lohkanbadji	3. lohkanbadji	4. lohkanbadji	5. lohkanbadji	6. lohkanbadji
OKT 101- Eamiálbmot filosofiija, 10 oč	DUO 246- Bistevaš design 15 oč	DUO 250-2 Árbevirolaš duoji bajásdoallan ja ealáskahttin 15 oč	DUOOV- Duodji ja ovdánahttin 30 oč	Doarjjafágat, 30 oč dahje Doarjjafága, 20 oč ja Bachelor bargu, 10 oč dahje Duodji ja ovdánahttin, 30 oč	Doarjjafágat, 30 oč dahje Doarjjafága, 20 oč ja Bachelor bargu, 10 oč
DIEČA- Dieđalaš čállin 10 oč	DUO 201- Eamiálbmot duodje- ja dáiddadiehtu, 15 oč	DUO 250-1 Plánen, hutkáivuolta ja duddjon 15 oč	Doarjjafágat 30 oč		
DUO 101 Duddjoma ja hábmema bargovuogit, 10 oč					

### Doarjjafágaoasi fágat

Fáttát/oahput maid ieš vállje, nu ahte dahket oktiibuot 60 oč.

Doarjjafágaid sáhtta válljehohtit njealját lohkanbajis. Doarjjafágaid sáhtta maid váldit eará universitehtain dahje allaskuvllain, dainna eavttuin ahte Sámi allaskuvlla DOS- stivra dohkkeha daid oassin duoji bachelorii.

Buot fágat/ávdnasat berrejit válljejuvvot nu, ahte dorjot studeantta ahtanuššama ja fágalaš oktiigullelašvuoda. Doarjjafágain galgá okta fága unnimusat leat 30 oč. Doarjjafágat maid Sámi allaskuvla fállá leat:

Duodji 2, 30 oč

Duodjediehtu ja sámegeiella (10 oč)

Duoji ja dáidaga/hábmema hálddašeapmi (10 oč)

Duodji, beaggin ja márkanfievrrideapmi (20 oč) (Duodji ja haddebidjan (5 oč))

Duddjon- ja sámegeiella (15 oč)

Duodji ja julevsámegeiella teoriija/giellageavaheapmi duojs (10 oč)

Duedtije jih áarjelsaemien gieles (Duodji ja máttasámegeiella teoriija/giellageavaheapmi duojs) (10 oč)

Sámegeiella fágat (30-60 oč)

Gálvodujiid buvttadeapmi (15 oč)

### **8. Oahpahan ja oahppanvuogit**

Bachelorgráda oahpu čađaheamis deattuhuvvo iešheanalášvuolta ja mielváikkuheapmi. Bargobájit, duddjon, hárbhusat, ruovttubarggut, ságastallamat, digaštallamat, joavkobarggut ja oktagaslaš bagadallan leat bargovuogit ovttaskas fáttáiguin ja bachelorgrádadutkosiin. Studeantta iežas bargu iežas oahppama oktavuodas deattuhuvvo. DGT geavahuvvo jámma veahkkeneavvun ja gulahallangaskaopmin, earenoamážit Digigiissá dahje eará gulahallangaskaomiid. Studeanttat galget čađahit suodjaluskurssa ovdal go geavahišgohtet duodjelanjaid ja rusttegiid.

Studeanttat berrejit fáttáid manjil gávnnadit ja ovttas guorahallat sin iežaset dujiid, ja nu maiddái ovddidit reflekšuvnnaid ja maiddái duoji ja duodjejurddašeami. Danne leat studeanttat geatnegahtton oassálastit unnimustá 75 % lágiduvvon oahpaheapmái, mii fállujuvvo buot fáttáin, fágalaš kontinuitehta ja studeantajoavkku(id) oahppama dihtii.

Studeanttat galget juohke fáttás ain árvvoštallat oahpahusa ja iežaset oahppanproseassa. Dakkár árvvoštallan galgá čađahuvvot sihke čálalaččat ja njálmmálaččat. Juohke fáttás galgá dábbálaččat leat čálalaš loahppaárvvoštallan.

Bargovuogit bohtet muđui ovdan iešguđetge oahpu sierra oahppoplánas.

## **9. Árvvoštallanvuogit**

Árvvoštallanvuogit bohtet ovdan prográmma iešguđege oahpu sierra oahppoplánas.

## **10. Bargo- ja joatkkaoahppovejolašvuodát**

Bachelorgráda addá vuodđogelbbolašvuoda álgit Duoji masterii. Jus lassin lohká, Praktihkalaš pedagogalaš oahpu (PPO), de oahppu addá oahpahangelbbolašvuoda duojis dahje hábmemis vuodđoskuvllas, joatkkaskuvllas ja rávisolbmuid oahpahusas. Bachelorgráda addá vuodu bargat ásahusain main duodji/dáidda/hábmen lea guovddážis, omd. duodjeásahusain, museain, kulturskuvllain, ja teáhteriin, dahje jođihit iežas duodje- dahje dáiddafitnodaga.

## **11. Eará dieđut**

Kvalitehtasihkarastin:

Čujuhuvvo SA kvalitehtasihkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahudásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.